

四庫全書

子部

欽定四庫全書

御製數理精蘊下編卷二十九


體部七

各等面體互容


更體形

各等面體互容

設如正方體每邊一尺二寸求內容四面體之每一邊幾何




法以正方體每邊一尺二寸自乘得一
尺四十四寸倍之得二尺八十八寸開
平方得一尺六寸九分七釐零五絲六
忽二微有餘即正方體內容四面體之
每一邊也如圖甲乙丙丁正方體內容
丁甲戊己四面體以四面體之六稜切



於正方體之六面則四面體之每一邊
即為正方體之每一面之對角斜線故
用方邊求斜弦之法以一邊自乘倍之
開平方即得內容四面體之每一邊也
如有四面體之一邊求外切正方體之
一邊則用斜弦求方邊法以四面體之
一邊自乘折半開平方即得外切正方
體之每一邊也


設如正方體每邊一尺二寸求內容八面體之每一

邊幾何



法以正方體每邊一尺二寸自乘得一
 尺四十四寸折半得七十二寸開平方
 得八寸四分八釐五豪二絲八忽一微
 有餘即正方體內容八面體之每一邊
 也如圖甲乙丙丁正方體內容戊己庚
 辛壬癸八面體以八面體之六角切於
 正方體之六面則正方體之每一邊即
 與內容八面體之對角斜線等


甲乙與
 戊庚等



故用斜弦求方邊之法以一邊自乘折
半開平方即得內容八面體之每一邊
也如有八面體之一邊求外切正方體
之一邊則用方邊求斜弦法以八面體
之一邊自乘加倍開平方即得外切正
方體之每一邊也


設如正方體每邊一尺二寸求內容十二面體之每
一邊幾何

法以理分中末線之全分一〇〇〇〇




○○○○為一率小分三八一九六六
 ○一為二率今所設之正方體每邊一
 尺二寸為三率求得四率四寸五分八
 釐三豪五絲九忽二微有餘即正方體
 內容十二面體之每一邊也如圖甲乙
 丙丁正方體內容戊己庚辛壬癸十二
 面體以十二面體之六稜切於正方體
 之六面則方正體之每邊與十二面體
 之兩邊相對之線等

即十二面體中心
 至每邊正中斜




倍線之而正方體之每邊之半即為十二面體中心至每邊正中之斜線試將十二面體之正中截之則成十等邊之面形而其所截之處皆正當每邊之一半故其所截之子丑等線亦為戊己兩角相對斜線之一半而為十等邊形之一邊其子寅外切圓之半徑為中心至每邊正中之斜線即正方體每邊之一半子寅即如理分中末線之全分子丑即




如理分中末線之大分而戊子每邊之
 半即如理分中末線之小分見球內容
十二面體
 法故全分與小分之比同於今所設之
 正方體每邊之半與內容十二面體每
 邊之半之比即同於今所設之正方體
 之一邊與內容十二面體之一邊之比
 也如有十二面體之一邊求外切正方
 體之一邊則以十二面體之一邊為理
 分中末線之小分比例得全分即外切

正方體之每一邊也

設如正方體每邊一尺二寸求內容二十面體之每一邊幾何




法以理分中末線之全分一。〇。〇。〇。
〇。〇。〇。為一率大分六一八。〇。三三。
九九為二率今所設之正方體每邊一
尺二寸為三率求得四率七寸四分一
釐六豪四絲零七微有餘即正方體內
容二十面體之每一邊也如圖甲乙丙




丁正方體內容戊己庚辛壬癸二十面
 體以二十面體之六稜切於正方體之
 六面則正方體之每邊與二十面體之
 兩邊相對之線等即二十面體戊庚兩
 角相對之斜線試自二十面體之戊庚
 二角類對角平截之則所截之面成戊
 己庚子丑五等邊之面形戊庚兩角相
 對斜線即如理分中末線之全分庚子
 與己
 庚等一邊即如理分中末線之大分
 球見

內容二十
面體法 故全分與大分之比即同於


今所設之正方體之每一邊與內容二十面體之每一邊之比也如有二十面體之一邊求外切正方體之一邊則以二十面體之一邊為理分中末線之大分比例得全分即外切正方體之每一邊也




設如四面體每邊一尺二寸求內容正方體之每一邊幾何




法以四面體每邊一尺二寸自乘得一
尺四十四寸三歸二因得九十六寸開
平方得九寸七分九釐七豪九絲五忽
八微有餘為四面體自尖至底中心之
立垂線折半得四寸八分九釐八豪九
絲七忽九微有餘為四面體內容圓球
全徑乃用求球內容正方體之每一邊
法以球徑自乘三歸開平方得二寸八
分二釐八豪四絲二忽七微有餘即四



面體內容正方體之每一邊也如圖甲
 乙丙四面體內容丁戊己庚辛壬正方
 體以正方體之丁己辛癸四角切於四
 面體各面之中心則四面體中心至每
 一面中心之立垂線即正方體中心至
 角之斜線四面體內容圓球徑即正方
 體外切圓球徑故先求得四面體內容
 圓球徑又求得球內容正方體之一邊
 即四面體內容正方體之一邊也




又法以四面體每邊一尺二寸自乘得
一百四十四寸以十八歸除之得八寸
開平方得二寸八分二釐八豪四絲二
忽七微有餘即四面體內容正方體之
每一邊也此法與前法同蓋四面體之
自尖至底中心之立垂線自乘方為每
邊自乘方之三分之二即六分內容圓
球徑為立垂線之一半見球外坊則內
容圓球徑自乘方為立垂線自乘方之



四分之一即為每邊自乘方之六分之一而圓球內容正方體之每邊自乘方又為圓球徑自乘方之三分之一故內容正方體之每邊自乘方為四面體之每邊自乘方之十八分之一也如有正方體之一邊求外切四面體之一邊則以正方體之每邊自乘以十八乘之開平方即得外切四面體之每一邊也

設如四面體每邊一尺二寸求內容八面體之每一


邊幾何




法以四面體每邊一尺二寸折半得六寸即四面體內容八面體之每一邊也如圖甲乙丙四面體內容丁戊己庚辛壬八面體以八面體之四面切於四面體之各面以八面體之六角切於四面體之六稜其各角皆當各稜之一半故內容八面體之每邊亦為四面體每邊之一半也如有八面體之一邊求外切

四面體之一邊則以八面體之一邊倍之即得外切四面體之每一邊也


設如四面體每邊一尺二寸求內容十二面體之每一邊幾何




法以四面體每邊一尺二寸自乘得一尺四十四寸三歸二因得九十六寸開平方得九寸七分九釐七豪九絲五忽八微有餘為四面體自尖至底中心之立垂線折半得四寸八分九釐八毫九



絲七忽九微有餘為四面體內容圓球
全徑乃用求球內容十二面體之一邊
法以理分中末線之全分一〇〇〇〇
〇〇〇〇為股小分三八一九六六
一為勾求得弦一〇七〇四六六二六
為一率小分三八一九六六〇一為二
率今所得之圓球徑四寸八分九釐八
豪九絲七忽九微為三率求得四率一
寸七分四釐八豪零三忽九微有餘即




四面體內容十二面體之每一邊也如圖甲乙丙四面體內容丁戊己庚辛壬十二面體以十二面體之戊庚壬癸四角切於四面體各面之中心則四面體中心至每一面中心之立垂線即十二面中心至各角之斜線四面體內容圓球徑即十二面體外切圓球徑故先求得四面體內容圓球徑又求得球內容十二面體之每一邊即四面體內容十




二面體之每一邊也如有十二面體之
一邊求外切四面體之每一邊則先求
得十二面體外切圓球徑又求得球外
切四面體之每一邊即十二面體外切
四面體之每一邊也

設如四面體每邊一尺二寸求內容二十面體之每
一邊幾何

法以四面體每邊一尺二寸求得內容
圓球全徑四寸八分九釐八豪九絲七




三微有餘為二十面體每一面自角至
 對邊之垂線自乘三歸四因開平方得
 三寸二分五釐二豪六絲三忽三微有
 餘即四面體內容二十面體之每一邊
 也如圖甲乙丙四面體內容丁戊己庚
 辛壬二十面體以二十面體之丁戊癸
 己庚子丑丑辛寅卯辰之四面切於四
 面體各面之中心則四面體中心至每
 一面中心之立垂線即二十面體中心




至每一面中心之立垂線四面體內容
圓球徑即二十面體內容圓球徑故先
求得四面體內容圓球徑又求得球外
切二十面體之一邊即四面體內容二
十面體之一邊也如有二十面體之一
邊求外切四面體之一邊則求得二十
面體內容圓球徑又求得球外切四面
體之一邊即二十面體外切四面體之
一邊也

設如八面體每邊一尺二寸求內容正方體之每一邊幾何




法以每邊一尺二寸三歸之得四寸自
 乘得一十六寸倍之得三十二寸開平
 方得五寸六分五釐六豪八絲六忽四
 微有餘即八面體內容正方體之每一
 邊也如圖甲乙丙丁八面體內容戊己
 庚辛正方體以正方體之八角切於八
 面體各面之中心試自八面體之壬角



至對邊作壬癸一面中垂線又自一面
中心辛與甲丁邊平行作子丑線則壬
辛為壬癸三分之二子丑亦為甲丁三
分之二辛丑即為甲丁三分之一與丑
庚等辛丑丑庚與內容正方體之辛庚
一邊遂成辛丑庚勾股形辛丑既與丑
庚等故以辛丑自乘倍之開平方即得
辛庚為八面體內容正方體之每一邊
也如有正方體之一邊求外切八面體

之一邊則以正方體之一邊自乘折半
開平方得數三因之即外切八面體之
一邊也

設如八面體每邊一尺二寸求內容四面體之每一
邊幾何



八面體之每邊即內容四面體之每一
邊也何以知之蓋甲乙丙丁八面體內
容戊乙丙己四面體以乙丙己底面合
於八面體之一面則上尖戊切於八面

體甲庚丁一面之中心


其戊乙邊恰與乙丙邊等故

八面體之每一邊即內容四面體之每


一邊也

設如八面體每邊一尺二寸求內容十二面體之每


一邊幾何




法以八面體每邊一尺二寸自乘得一
尺四十四寸三歸二因得九十六寸開
平方得九寸七分九厘七豪九絲五忽
八微有餘為八面體內容圓球全徑乃



用求球內容十二面體之一邊法以全
 徑自乘三歸開平方得五寸六分五釐
 六豪八絲五忽四微有餘為十二面體
 每一面兩角相對斜線又以理分中末
 線之全分一〇〇〇〇〇〇〇〇〇〇〇為一
 率大分六一八〇三三九九為二率今
 所得之每一面兩角相對斜線為三率
 求得四率三寸四分九釐六豪一絲二
 忽八微有餘即八面體內容十二面體




之每一邊也如圖甲乙丙丁八面體內
容戊己庚辛十二面體以十二面體之
戊己庚辛壬癸子丑八角切於八面體
各面之中心則八面體中心至每面中
心之立垂線即內容十二面體中心至
各角之斜線八面體內容圓球徑即十
二面體外切圓球徑故先求得八面體
內容圓球徑又求得球內容十二面體
之一邊即八面體內容十二面體之一




邊也如有十二面體之一邊求外切八面體之一邊則先求得十二面體外切圓球徑又求得球外切八面體之一邊即十二面體外切八面體之一邊也

設如八面體每邊一尺二寸求內容二十面體之每一邊幾何


法以八面體每邊一尺二寸自乘得一尺四十四寸六歸之得二十四寸開平方得四寸八分九釐八豪九絲七忽九



微有餘為八面體內容圓球半徑乃用
求球外切二十面體之一邊法以理分
中末線之全分一〇〇〇〇〇〇〇〇〇
為一率小分三八一九六六〇一為二
率今所得之圓球半徑四寸八分九釐
八豪九絲七忽九微為三率求得四率
一寸八分七釐一豪二絲四忽三微有
餘為二十面體每一面中心至邊之垂
線三因之得五寸六分一釐三豪七絲




二忽九微有餘為每一面自角至對邊
 之垂線自乘三歸四因開平方得六寸
 四分八釐二豪一絲七忽五微有餘即
 八面體內容二十面體之每一邊也如
 圖甲乙丙丁八面體內容戊己庚辛壬
 癸二十面體以二十面體之戊丑子丑
 庚寅寅辛壬子壬癸戊己卯己庚辰己
 辰辛卯己癸八面切於八面體各面之
 中心則八面體中心至每面中心之立




垂線即內容二十面體中心至每面中心之立垂線八面體內容圓球徑即二十面體內容圓球徑故先求得八面體內容圓球徑又求得球外切二十面體之一邊即八面體內容二十面體之一邊也如有二十面體之一邊求外切八面體之一邊則先求得二十面體內容圓球徑又求得球外切八面體之一邊即二十面體外切八面體之一邊也


設如十二面體每邊一尺二寸求內容正方體之每
一邊幾何




法以理分中末線之大分六一八〇三
三九九為一率全分一〇〇〇〇〇〇
〇〇為二率今所設之十二面體每邊
一尺二寸為三率求得四率一尺九寸
四分一釐六豪四絲零七微有餘即十
二面體內容正方體之每一邊也如圖
甲乙丙丁戊己十二面體內容庚乙辛




丁壬己正方體以正方體之十二稜切
於十二面體之各面則正方體之每一
邊即十二面體之每一面兩角相對斜
線故用五等邊面形有邊求對角斜線
法算之即得十二面體內容正方體之
每一邊也如有正方體之一邊求外切
十二面體之一邊則正方體之一邊即
外切十二面體之每一面兩角相對斜
線用五等邊面形有對角斜線求邊法



六寸為三率求得四率一尺五寸七分
零八豪二絲零三微有餘為十二面體
中心至每邊正中之斜線以此斜線為
股每邊之半六寸為勾求得弦一尺六
寸八分一釐五豪一絲零二微有餘倍
之得三尺三寸六分三釐零二絲零四
微有餘為十二面體外切圓球全徑乃
用求球內容四面體之一邊法以球徑
自乘三歸二因開平方得二尺七寸四




分五釐八豪九絲四忽六微有餘即十
 二面體內容四面體之每一邊也如圖
 甲乙丙丁戊己十二面體內容庚辛壬
 癸四面體以四面體之四角切於十二
 面體之四角則十二面體中心至各角
 之斜線即四面體中心至各角之斜線
 十二面體外切圓球徑即四面體外切
 圓球徑故先求得十二面體外切圓球
 徑又求得球內容四面體之一邊即十




二面體內容四面體之一邊也如有四面體之一邊求外切十二面體之一邊則先求得四面體外切圓球徑又求得球內容十二面體之一邊即四面體外切十二面體之一邊也

設如十二面體每邊一尺二寸求內容八面體之每一邊幾何


法以理分中末線之小分三八一九六六。一為一率全分一。〇。〇。〇。〇。〇。



○○為二率今所設之十二面體每邊
 一尺二寸折半得六寸為三率求得四
 率一尺五寸七分零八豪二絲零三微
 有餘為十二面體中心至每邊正中之
 斜線倍之得三尺一寸四分一釐六豪
 四絲零六微有餘即十二面體外切
正方體之一邊為
 內容八面體兩角相對斜線自乘折半
 開平方得二尺二寸二分一釐四豪七
 絲五忽二微有餘即十二面體內容八




面體之每一邊也如圖甲乙丙丁戊己
十二面體內容庚辛壬癸八面體以八
面體之六角切於十二面體之六稜則
十二面體中心至每邊正中之斜線即
內容八面體中心至各角之斜線倍之
則得八面體兩角相對之斜線故用斜
弦求方邊法求得方邊即十二面體內
容八面體之每一邊也如有八面體之
一邊求外切十二面體之一邊則先求




得八面體兩角相對斜線折半為外切
十二面體中心至每邊正中之斜線乃
以理分中末線之全分與小分之比同
於十二面體中心至每邊正中之斜線
與每邊之半之比既得每邊之半倍之
即八面體外切十二面體之一邊也
設如十二面體每邊一尺二寸求內容二十面體之
每一邊幾何

法以十二面體每邊一尺二寸用求十




二面體中心至每面中心之立垂線法
求得中心至每邊正中之斜線一尺五
寸七分零八豪二絲零三微有餘又求
得每一面中心至邊之垂線八寸二分
五釐八毫二絲九忽一微有餘乃以中
心至每邊正中之斜線為弦每一面中
心至邊之垂線為勾求得股一尺三寸
三分六釐二豪一絲九忽六微有餘倍
之得二尺六寸七分二釐四豪三絲九




忽二微有餘為十二面體內容圓球全
徑乃用求球內容二十面體之一邊法
以理分中末線之全分一〇〇〇〇〇

〇〇〇為股大分六一八〇三三九九
為勾求得弦一一七五五七〇五〇為
一率大分六一八〇三三九九為二率
今所得之圓球全徑二尺六寸七分二
釐四豪三絲九忽二微為三率求得四
率一尺四寸零四釐九豪八絲四忽四




微有餘即十二面體內容二十面體之
每一邊也如圖甲乙丙丁戊十二面體
內容己庚辛壬癸二十面體以二十面
體之十二角切於十二面體各面之中
心則十二面體中心至每面中心之立
垂線即內容二十面體中心至各角之
斜線十二面體內容圓球徑即二十面
體外切圓球徑故先求得十二面體內
容圓球徑又求得球內容二十面體之




一邊即十二面體內容二十面體之一
邊也如有二十面體之一邊求外切十
二面體之一邊則先求得二十面體外
切圓球徑又求得球外切十二面體之
一邊即二十面體外切十二面體之一
邊也

設如二十面體每邊一尺二寸求內容正方體之每
一邊幾何


法以二十面體每邊一尺二寸用求二



十面體中心至每面中心之立垂線法
求得中心至每邊正中之斜線九寸七分零八豪二絲零三微有餘又求得每
一面中心至邊之垂線三寸四分六釐
四豪一絲零一微有餘乃以中心至每
邊正中之斜線為弦以每一面中心至
邊之垂線為勾求得股九寸零六釐九
豪一絲三忽五微有餘倍之得一尺八
寸一分三釐八豪二絲七忽有餘為二




十面體內容圓球全徑乃用求球內容
 正方體之一邊法以球徑自乘三歸開
 平方得一尺零四分七釐二豪一絲三
 忽四微有餘即二十面體內容正方體
 之每一邊也如圖甲乙丙丁戊己二十
 面體內容庚辛壬癸正方體以正方體
 之八角切於二十面體之八面之中心
 則二十面體中心至每一面中心之立
 垂線即內容正方體中心至角之斜線




二十面體內容圓球徑即正方體外切
圓球徑故先求得二十面體內容圓球
徑又求得球內容正方體之一邊即二
十面體內容正方體之一邊也如有正
方體之一邊求外切二十面體之一邊
則先求得正方體外切圓球徑又求得
球外切二十面體之一邊即正方體外
切二十面體之一邊也

設如二十面體每邊一尺二寸求內容四面體之每


一邊幾何



法以二十面體每邊一尺二寸用求二十面體中心至每面中心之立垂線法求得立垂線九寸釐六釐九豪一絲三忽五微有餘法見前題倍之得一尺八寸一分三釐八豪二絲七忽有餘為二十面體內容圓球全徑乃用求球內容四面體之每一邊法以球徑自乘三歸二因開平方得一尺四寸八分零九豪八絲




三忽五微有餘即二十面體內容四面體之每一邊也如圖甲乙丙丁戊己二十面體內容庚辛壬癸四面體以四面體之四角切於二十面體之四面之心則二十面體中心至每面中心之立垂線即內容四面體中心至角之斜線二十面體內容圓球徑即四面體外切圓球徑故先求得二十面體內容圓球徑又求得球內容四面體之一邊即二




十面體內容四面體之每一邊也如有
四面體之一邊求外切二十面體之一
邊則先求得四面體外切圓球徑又求
得球外切二十面體之一邊卽四面體
外切二十面體之二邊也

設如二十面體每邊一尺二寸求內容八面體之每
一邊幾何


法以理分中末線之大分六一八〇三
三九九為一率全分一〇〇〇〇〇〇〇



○○為二率今所設之二十面體每邊一尺二寸折半得六寸為三率求得四率九寸七分零八豪二絲零三微有餘為二十面體中心至每邊正中之斜線倍之得一尺九寸四分一釐六豪四絲零六微有餘即二十面體外切正方體之一邊為內容八面體兩角相對之斜線自乘折半開平方得一尺三寸七分二釐九豪四絲七忽一微有餘即二十面體內容八面




體之每一邊也如圖甲乙丙丁戊己二
 十面體內容庚辛壬癸八面體以八面
 體之六角切於二十面體之六稜則二
 十面體中心至每邊正中之斜線即內
 容八面體中心至各角之斜線倍之則
 得八面體兩角相對之斜線故用斜弦
 求方邊法求得方邊即二十面體內容
 八面體之每一邊也如有八面體之每
 一邊求外切二十面體之每一邊則先




求得八面體之角相對斜線折半為外
切二十面體中心至每邊正中之斜線
乃以理分中末線之全分與大分之比
同於二十面體中心至每邊正中之斜
線與每邊之半之比既得每邊之半倍
之即八面體外切二十面體之一邊也
設如二十面體每邊一尺二寸求內容十二面體之
每一邊幾何


法以二十面體每邊一尺二寸用求二



十面體中心至每面中心之立垂線法
求得立垂線九寸零六釐九豪一絲三
忽五微有餘法見前倍之得一尺八寸一
分三釐八豪二絲七忽有餘為二十面
體內容圓球全徑乃用求球內容十二
面體之一邊法以理分中末線之全分
一〇〇〇〇〇〇〇〇為股小分三八
一九六六〇一為勾求得弦一〇七〇
四六六二六為一率小分三八一九六



六一為二率今所得之圓球全徑一尺八寸一分三釐八豪二絲七忽有餘為三率求得四率六寸四分七釐二豪一絲三忽五微有餘即二十面體內容十二面體之每一邊也如圖甲乙丙丁戊二十面體內容己庚辛壬癸十二面體以十二面體之二十角切於二十面體各面之中心則二十面體中心至每面中心之立垂線即內容十二面體中



心至角之斜線二十面體內容圓球徑
即十二面體外切圓球徑故先求得二
十面體內容圓球徑又求得球內容十
二面體之一邊即二十面體內容十二
面體之一邊也如有十二面體之一邊
求外切二十面體之一邊則先求得十
二面體外切圓球徑又求得球外切二
十面體之一邊即十二面體外切二十
面體之每一邊也

更體形

設如正方體每邊一尺二寸今欲作與正方體積相等之圓球體問徑幾何

法用體積相等邊線不同之定率比例

以定率之正方體之每邊一。〇。〇。〇。

一率 一〇〇〇〇〇〇〇

〇。〇。〇。為一率圓球徑一二四。〇。七



二率 二四〇七〇九八

〇。〇。九八為二率今所設之正方體之

三率 三 一四六八四一

每邊一尺二寸為三率求得四率一尺

四寸八分八釐八豪四絲一忽有餘即



圓球之徑也蓋正方體之每邊為一。
○○○○○○○圓球徑為一二四。
七○○九八則兩體積相等故以子丑
寅卯正方體之每邊一○○○○○。
○○與辰巳圓球徑一二四○○。
九八之比即同於今所設之甲乙丙丁
正方體之每邊一尺二寸與今所得之
戊己圓球徑一尺四寸八分八釐八豪
四絲一忽有餘之比而兩體積亦為相

等也

設如正方體積一尺七百二十八寸今欲作與正方
邊相等之圓球體問積幾何

法用邊線相等體積不同之定率比例
以定率之正方體積一〇〇〇〇〇

一率 一〇〇〇〇〇〇〇〇〇〇〇

二率 五三五六七五

三率 七六

四率 九四七六六三

〇〇〇為一率圓球積五二三五九八
七七五為二率今所設之正方體積一
尺七百二十八寸為三率求得四率九
百零四寸七百七十八分六百八十三



釐有餘卽圓球之積也蓋正方體積為
一○○○○○○○○○圓球積為五
二三五九八七七五則正方體之每邊
與圓球徑相等故以子丑寅卯正方體
積一○○○○○○○○○與辰巳圓
球積五二三五九八七七五之比卽同
於今所設之甲乙丙丁正方體積一尺
七百二十八寸與今所得之戊己圓球
積九百零四寸七百七十八分六百八

十三釐有餘之比而正方體之每邊與圓球徑亦為相等也

設如圓球徑一尺二寸今欲作與圓球積相等之四面體問每一邊幾何

一率 二四〇七〇〇九
二率 二〇三九六八九〇
三率 二二
四率 一九七二七六

法用體積相等邊線不同之定率比例以定率之圓球徑一二四〇七〇〇九八為一率四面體之每邊二〇三九六四八九〇為二率今所設之圓球徑一尺二寸為三率求得四率一尺九寸七



分二釐七豪三絲八忽有餘即四面體之每一邊也蓋圓球徑為一二四。七。〇。九八四面體之每邊為二。三九六四八九。則兩體積相等故以子丑圓球徑一二四。七。〇。九八與寅卯辰巳四面體之每邊二。三九六四八九。之比即同於今所設之甲乙圓球徑一尺二寸與今所得之丙丁戊己四面體之每邊一尺九寸七分二釐七豪

三絲八忽有餘之比而兩體積亦為相等也

設如圓球積一尺七百二十八寸今欲作與圓球徑相等之四面體問積幾何

一率 五三五九七七五
二率 一二七六五二二九
三率 一七二六
四率 三六九三六四五

法用邊線相等體積不同之定率比例以定率之圓球積五二三五九八七七五為一率四面體積一一七八五一一二九為二率今所設之圓球積一尺七百二十八寸為三率求得四率三百八



十八寸九百三十六分六百四十五釐
 有餘卽四面體之積也蓋圓球積爲五
 二三五九八七七五四面體積爲一一
 七八五一一二九則圓球徑與四面體
 之每邊相等故以子丑圓球積五二三
 五九八七七五與寅卯辰巳四面體積
 一一七八五一一二九之比卽同於今
 所設之甲乙圓球積一尺七百二十八
 寸與今所得之丙丁戊己四面體積三

百八十八寸九百三十六分六百四十
五釐有餘之比而圓球徑與四面體之
每邊亦為相等也

設如八面體每邊一尺二寸今欲作與八面體積相
等之十二面體問每邊幾何

一率 二八四九八二九
二率 五〇七二二〇七
三率 二
四率 四七三七〇七

法用體積相等邊線不同之定率比例
以定率之八面體之每邊一二八四八
九八二九為一率十二面體之每邊五
〇七二二二〇七為二率今所設之八



面體之每邊一尺二寸為三率求得四率四寸七分三釐七豪零七忽有餘即十二面體之每一邊也蓋八面體之每邊為一二八四八九八二九十二面體之每邊為五。七二二二。七則兩體積相等故以子丑寅卯八面體之每邊一二八四八九八二九與辰巳午未申十二面體之每邊五。七二二二。七之比即同於今所設之甲乙丙丁八面




體之每邊一尺二寸與今所得之戊己庚辛壬十二面體之每邊四寸七分三釐七豪零七忽有餘之比而兩體積亦為相等也

設如八面體積一尺七百二十八寸今欲作與八面體每邊相等之二十面體問積幾何

法用邊線相等體積不同之定率比例以定率之八面體積四七一四。四五二一為一率二十面體積二一八一六

一率 四七四〇四五一
二率 二八六九四九六
三率 一七二八
四率 七九七三二七三


一率 四七一四〇四五二
二率 二八一六九四九六
三率 一七二六
四率 九七五三七三



九四九六九為二率今所設之八面體
積一尺七百二十八寸為三率求得四
率七尺九百九十七寸三百一十一分
七百三十二釐有餘即二十面體之積
也蓋八面體積為四七一四〇四五二
一二十面體積為二一八一六九四九
六九則八面體之每邊與二十面體之
每邊相等故以子丑寅卯八面體積四
七一四〇四五二一與辰巳午未申酉



二十面體積二一八一六九四九六九
 之比即同於今所設之甲乙丙丁八面
 體積一尺七百二十八寸與今所得之
 戊己庚辛壬癸二十面體積七尺九百
 九十七寸三百一十一分七百三十二
 釐有餘之比而八面體之每邊與二十
 面體之每邊亦為相等也



御製數理精蘊下編卷二十九

欽定四庫全書

子部

御製數理精蘊下編卷三十

詳校官欽天監天文生臣賈德輔

靈臺郎臣倪廷梅覆勘

總校官檢討臣何思鈞

校對官教習臣倪廷梅

謄錄監生臣李輯玉

繪圖監生臣周濬

欽定四庫全書

御製數理精蘊下編卷三十

體部八

各體權度比例

堆垛

各體權度比例

數學至體而備以其綜線面之全而盡度量衡之用也蓋線面存乎度體則存乎量求輕重則存乎衡是以又有權度之比例其法槩以諸物製爲正方其邊一寸其積千分較量豪釐俾有定率然後凡物知其體積即知其重輕知其重輕即知其體積而權度無遁情也且體之爲質不一邊積等者輕重不同輕重等者邊積不同皆有互相比例之法而各體無混淆也

赤金十六兩八錢

紋銀九兩

水銀十二兩二錢八分

紅銅七兩五錢

白銅六兩九錢八分

黃銅六兩八錢

銅六兩七錢三分

生鐵六兩七錢

熟鐵六兩七錢三分

高錫六兩三錢

六錫七兩六錢

倭鉛六兩

黑鉛九兩九錢三分

白玉二兩六錢

金珀八錢

白瑪瑙二兩三錢

紅瑪瑙二兩二錢

硨磲一兩五錢二分

青石二兩八錢八分

白石二兩五錢

紅石二兩五錢六分

象牙一兩五錢四分

牛角一兩九錢

沉香八錢二分

白檀八錢三分

紫檀一兩零二分

花梨八錢七分

楠木四錢八分

黃楊七錢五分

烏木一兩一錢

油八錢三分

水九錢三分

設如有金一方每邊三寸問重幾何

一率一寸

二率一十六兩八錢

三率二十七寸

四率四百五十五兩六錢

法以一寸爲一率金寸方重一十六兩
八錢爲二率今所設之金方每邊三寸
自乘再乘得二十七寸爲三率求得四

一率 一寸

二率 一十六兩六錢

三率 二十七寸

四率 四百五十三兩六錢

率四百五十三兩六錢即金之重數也
此法蓋因金方每邊三寸則體積爲二
十七寸以一寸與一十六兩八錢之比
同於二十七寸與四百五十三兩六錢
之比也

設如有銀一方每邊二寸問重幾何

一率 一寸

二率 九兩

三率 八寸

四率 七十二兩

法以一寸爲一率銀寸方重九兩爲二
率今所設之銀方每邊二寸自乘再乘
得八寸爲三率求得四率七十二兩即

銀之重數也此法蓋因銀方每邊二寸則體積爲八寸以一寸與九兩之比同於八寸與七十二兩之比也

設如黃銅一條重三百七十四兩問積幾何

一率 高八錢

二率 一寸

三率 三百七十四兩

四率 五十五寸

法以黃銅寸方重六兩八錢爲一率一寸爲二率今所設黃銅重三百七十四兩爲三率求得四率五十五寸即黃銅之積也

設如熟鐵一塊重十六兩欲鎔爲正方體問每邊幾

何

一率 六兩七錢三分

二率 一寸

三率 一十六兩

四率 二寸五分

法以熟鐵寸方重六兩七錢三分爲一
率一寸爲二率今鐵重十六兩爲三率
求得四率二寸三百七十七分四百一
十四釐有餘開立方得一寸三分三釐
有餘即每邊之數也

設如水銀一匣但知匣闊四寸長六寸高三寸五分
問內水銀重數幾何

法以匣闊四寸與長六寸相乘得二十

一率 一寸

二率 一十二兩二錢八分

三率 八寸

四率 五兩三錢五分

四寸又以高三寸五分再乘得八十四寸爲水銀一匣之積數爰以一寸爲一率水銀寸方重一十二兩二錢八分爲二率今所得之水銀一匣之積數八十四寸爲三率求得四率一千零三十一兩五錢二分即水銀之重數也

設如白玉一方重九十三兩六錢但知闊比高多一寸長比闊多三寸問高闊長各幾何

法以玉寸方重二兩六錢爲一率一寸

爲二率今所設玉重九十三兩六錢爲

三率求得四率三十六寸爲長方體積

乃以闊比高多一寸長比闊多三寸爲

帶兩縱之較用帶兩縱不同較數開立

方法算之得高二寸加闊比高多一寸

得三寸爲闊再加長比闊多三寸得六

寸爲長也

設如金與銀鎔於一處共得正方體積二十七寸重

二百七十四兩二錢問金與銀各幾何

一率 二兩六錢

二率 一寸

三率 九十三兩六錢

四率 三十六寸

一率 六兩八錢

二率 一寸

三率 三兩二錢

四率 四寸

法以共積二十七寸以銀寸方重九兩
乘之得二百四十三兩與共重二百七
十四兩二錢相減餘三十一兩二錢乃
以銀寸方重九兩與金寸方重十六兩
八錢相減餘七兩八錢爲一率金一寸
爲二率今相減所餘之三十一兩二錢
爲三率求得四率四寸即金之寸數於
共積二十七寸內減去四寸餘二十三
寸即銀之寸數也以金四寸與金寸方

重十六兩八錢相乘得六十七兩二錢
以銀二十三寸與銀寸方重九兩相乘
得二百零七兩兩數相併得二百七十
四兩二錢仍與原數相合也此即和較
比例之法蓋銀二十七寸則其重數應
得二百四十三兩與共重二百七十四
兩二錢相減餘三十一兩二錢即金重
於銀之數而金每寸比銀每寸多七兩
八錢故多七兩八錢則金有一寸今多

一率 七兩八錢

二率 一寸

三率 一百七十九兩四錢

四率 二十三寸

三十一兩二錢則知金有四寸也若欲
先得銀數則仍以七兩八錢爲一率一
寸爲二率將共積二十七寸以金寸方
重十六兩八錢乘之得四百五十三兩
六錢內減共重二百七十四兩二錢餘
一百七十九兩四錢爲三率求得四率
二十三寸即銀之寸數與共積二十七
寸相減餘四寸即金之寸數蓋少七兩
八錢則銀有一寸今少一百七十九兩

四錢則知銀有二十三寸也

設如金鑲玉爐一座共重四十六兩七錢問金玉各幾何

法用盛水器皿一件置爐其中實之以水取出爐看水淺幾何設如盛水器皿係正方形每邊五寸取出爐水淺五分即以每邊五寸自乘得二十五寸以水淺五分爲高再乘得一十二寸五百分爲爐之體積即金玉之共積爰以共積

一率 二十四兩二錢

二率 一寸

三率 一十四兩二錢

四率 一寸

一十二寸五百分以玉寸方重二兩六錢乘之得三十二兩五錢與共重四十六兩七錢相減餘一十四兩二錢乃以玉寸方重二兩六錢與金重一十六兩八錢相減餘一十四兩二錢爲一率金一寸爲二率今相減所餘一十四兩二錢爲三率求得四率一寸爲金之寸數於共積一十二寸五百分內減去一寸餘十一寸五百分爲玉之寸數金一寸

一率 一兩二錢

二率 一寸

三率 一百六十三兩三錢

四率 一十一寸五分

重得十六兩八錢玉十一寸五百分與
玉寸方重二兩六錢相乘得二十九兩
九錢爲玉之重數兩數相併共得四十
六兩七錢仍與原數相合也如欲先得
玉數則仍以一十四兩二錢爲一率一
寸爲二率將所得共積一十二寸五百
分以金寸方重十六兩八錢乘之得二
百一十兩內減共重四十六兩七錢餘
一百六十三兩三錢爲三率求得四率

一十一寸五百分爲玉之寸數與共積
一十二寸五百分相減餘一寸即金之
寸數也

設如空心金球一個外徑一尺二寸厚三分問重幾
何

一率 1000000000

二率 5359875

三率 178

四率 90478683

法以金球外徑一尺二寸自乘再乘得
一尺七百二十八寸乃用方邊球徑相
等方積球積不同之定率比例以方積
一〇〇〇〇〇〇〇〇〇〇爲一率球積

一率 10000000000

二率 五三五九八七七五

三率 一七二八

四率 九〇四七七八六三

五二三五九八七七五爲二率今球徑
自乘再乘之正方體積一尺七百二十
八寸爲三率求得四率九百零四寸七
百七十八分六百八十三釐有餘爲球
之全體積又以厚三分倍之得六分與
外徑一尺二寸相減餘一尺一寸四分
爲空心徑自乘再乘得一尺四百八十
一寸五百四十四分仍以方積一〇〇
〇〇〇〇〇〇爲一率球積五二三

一率 一〇〇〇〇〇〇〇〇〇〇

二率 五三五九八七五

三率 一四八五四四

四率 七七五七三四六三

一率 一寸

二率 一六兩八錢

三率 一百半九寸〇四〇六〇

四率 二千五百零九四〇

五九八七七五爲二率今空心徑自乘
再乘之正方體積一尺四百八十一寸
五百四十四分爲三率求得四率七百
七十五寸七百三十四分六百二十三
釐有餘爲球內空心虛積兩積相減餘
一百二十九寸零四十四分零六十釐
有餘爲空心球體積乃以一寸爲一率
金寸方重十六兩八錢爲二率空心球
體積一百二十九寸零四十四分零六

一率于

二率一兩八錢

三率一百三十九兩四錢六分

四率二百六十七兩九錢四分

十釐有餘爲三率求得四率二千一百六十七兩九錢四分有餘即空心金球體之重數也

設如正方青石一塊紅石一塊紅石比青石每邊多二寸體積多五十六寸問二石之邊數及重數各幾何

法以紅石比青石每邊多二寸爲邊較體積多五十六寸爲積較用大小二立方有邊較積較求邊法算之以邊較二

一率 一寸

二率 二兩五錢六分

三率 六十四寸

四率 一百六十二兩八錢四分

寸自乘再乘得八寸與積較五十六寸
相減餘四十八寸三歸之得一十六寸
以邊較二寸除之得八寸爲長方面積
以邊較二寸爲長闊之較用帶縱較數
開平方法算之得闊二寸即青石之邊
數加紅石比青石每邊多二寸得四寸
即紅石之邊數乃以一寸爲一率紅石
寸方重二兩五錢六分爲二率紅石每
邊四寸自乘再乘得六十四寸爲三率

一率 一寸

二率 兩五錢六分

三率 六十四寸

四率 二百六十三兩錢四分

一率 一寸

二率 兩錢八分

三率 一寸

四率 二十三兩零四分

求得四率一百六十三兩八錢四分即紅石之重數也又以一寸爲一率青石寸方重二兩八錢八分爲二率青石每邊二寸自乘再乘得八寸爲三率求得四率二十三兩零四分即青石之重數也此法因二石皆爲正方體故用大小二立方有邊較積較求邊之法求得二石之邊自乘再乘即得二石之體積用寸方重數定率以比例之即得二石之

重數也

設如有正方水桶三個第一桶每邊一尺第三桶比第二桶每邊多二寸第三桶體積與第一桶第二桶兩桶之共積相等問三桶水之重數各幾何

法以一寸爲一率水寸方重九錢三分

爲二率第一桶正方每邊一尺自乘再

乘得一千寸爲三率求得四率九百三

十兩爲第一桶水之重數又以第三桶

比第二桶每邊多二寸爲邊較以第一

一率 一寸

二率 九錢三分

三率 一千寸

四率 九百三十兩

桶體積一千寸爲第三桶比第二桶所
多之積較用大小二立方有邊較積較
求邊法算之以邊較二寸自乘再乘得
八寸與積較一千寸相減餘九百九十
二寸三歸之得三百三十寸六百六十
六分六百六十六釐有餘以邊較二寸
除之得一尺六十五寸三十三分三十
三釐有餘爲長方面積以邊較二寸爲
長闊之較用帶縱較數開平方法算之

一率一寸

二率九錢三分

三率一尺六寸九分二厘

四率一千五百九十三

得闊一尺一寸八分九釐有餘爲第二
桶之邊數加較二寸得一尺三寸八分
九釐有餘爲第三桶之邊數乃以一寸
爲一率水寸方重九錢三分爲二率第
二桶每邊一尺一寸八分九釐有餘自
乘再乘得一尺六百八十寸九百二十
四分有餘爲三率求得四率一千五百
七十兩九錢九分三釐有餘即第二桶
水之重數又以一寸爲一率水寸方重

一率 一寸

二率 九錢三分

三率 二尺六寸九分六厘

四率 二千四百九十六

九錢三分爲二率第三桶每邊一尺三寸八分九釐有餘自乘再乘得二尺六百七十九寸八百二十六分有餘爲三率求得四率二千四百九十二兩二錢三分八釐有餘即第三桶水之重數也此法蓋因第三桶之體積與第一第二兩桶之共積相等則第一桶體積一千寸即第三桶體積比第二桶體積所多之較也而第三桶比第二桶每邊多二

寸故用大小二立方有邊較積較求邊
法求得二桶之邊數自乘再乘即得二
桶之體積用寸方重數定率以比例之
即得二桶水之重數也

設如金球一個徑二寸二分六釐今欲作一銀球其
重與金球等問徑幾何

一率一寸

二率一寸二分三釐

三率二寸二分六釐

四率二寸七分七釐

法以金方邊一寸爲一率銀方邊一寸
二分三釐爲二率今所設之金球徑二
寸二分六釐爲三率求得四率二寸七

分七釐有餘即銀球之徑數也此法蓋因各色俱爲正方體其重數俱設爲十六兩八錢與金寸方等故金方邊爲一寸銀方邊爲一寸二分三釐水銀方邊爲一寸一分一釐鉛方邊爲一寸一分九釐銅方邊爲一寸三分一釐鐵方邊爲一寸三分六釐錫方邊爲一寸三分九釐石方邊爲一寸八分九釐水方邊爲二寸六分四釐油方邊爲二寸七分

四釐皆係邊與邊之比例故球徑與球
徑之比同於方邊與方邊之比而爲相
當比例四率也

設如青石一塊正方一尺二寸重四千九百七十六
兩六錢四分今欲作與青石一樣大熟鐵一塊問
重幾何

一率 高八分

二率 六兩七錢三分

三率 四兩七錢四分

四率 一萬五千九百七十六兩

法以青石寸方重二兩八錢八分爲一
率熟鐵寸方重六兩七錢三分爲二率
今所設之青石重四千九百七十六兩

一率 兩錢分

二率 兩錢分

三率 兩錢分

四率 一萬二千六百三十九兩錢分


六錢四分爲三率求得四率一萬一千
六百二十九兩四錢四分即與青石一
樣大熟鐵之重數也

堆垛


堆垛之法雖爲體屬而一面平堆與方圓束形實與面同方者即平方法其餘則用梯形法以其每層皆遞加之數也束形亦與一面平堆同法蓋圓者以六包一方者以八包一三角者以九包一有邊求積有周求積其理皆相通也若夫以方面層累者則爲四角尖堆以三角面層累者則爲三角尖堆此二者每層之邊皆同爲遞加一數每層之面積則三角爲按位相加之數四角爲按位自乘相加之數其傍皆峻

增不平故與體亦微異也至於以長方面層累者則
爲長方堆以全堆而減去上截者則爲半堆總以尖
堆之法御之分之以立其法合之以明其理一一按
法解之於後

設如一面直角尖堆底十二求積幾何



法以底十二加尖上一得十三與層數
十二相乘得一百五十六折半得七十
八即一面直角尖堆之積也如圖甲乙
丙一面直角尖堆乙丙爲底十二其甲




乙高亦即爲十二層其每層皆加一爲
 挨次遞加之數成直角三角形試另作
 一丁戊己直角三角形合於原形之側
 則成甲乙丁戊長方形其高即層數其
 底即首數與末數相加之數其積即總
 數加一倍之數

見算法原本二節故以底

十二與上尖一相加與層數十二相乘

得長方積折半即得一面直角尖堆之

積也此法與勾股求積之法異者蓋勾



股之上尖爲一點無數可紀此上尖一
即其上之闊成斜方形故用斜方求積
之法以上闊與下闊相加以高數乘之
折半而得積也

設如一面直角尖堆積二十八求底幾何



法以一面直角尖堆積二十八倍之得
五十六爲長方積以一爲長闊之較用
帶縱較數開平方法算之得闊七即一
面直角尖堆之底數也如圖甲乙丙一




面直角尖堆積倍之則成甲乙丁戊長
方形積其乙丁長比甲乙闊多一故用
帶縱較數開平方法算之得甲乙與乙
丙等為一面直角尖堆之底闊也

設如一面三角尖堆底七求積幾何




法以底七加上尖一得八與層數七相
乘得五十六折半得二十八即一面三
角尖堆之積也如圖甲乙丙一面三角
尖堆乙丙為底七其甲乙高亦即為七



層其每層皆加一爲挨次遞加之數成等邊三角形試另作一丁戊己等邊三角形合於原形之側則成甲乙丁戊斜方形其高即層數其底即首數與末數相加之數其積即總數加一倍之數故以底七與上尖一相加與層數七相乘得斜方積折半得一面三角尖堆之積也

設如一面三角尖堆積三十六求每邊幾何




法以一面三角尖堆積三十六倍之得
七十二為長方積以一為長闊之較用
帶縱較數開平方法算之得闊八即一
面三角尖堆每一邊之數也如圖甲乙
丙一面三角尖堆積倍之則成甲乙丁
戊斜長方積若直排之即與直角長方
積等故其求邊之法亦與前直角尖堆
求邊之法同也

設如一面梯形堆上五下九求積幾何



法以上五與下九相加得十四又視上
五以上至一虛四位即以所虛之四與
下九相減餘五爲層數與上下相加之
十四相乘得七十折半得三十五即一
面梯形堆之積也如圖甲乙丙丁一面
梯形堆甲丁爲上五乙丙爲下九甲乙
爲層數五凡自一遞加之數其末數即
位數今首數爲五計自一已
截去四位故於末數內減去所少之位
即爲今之所有之位見算法原本二卷
第三十節 試另作一戊己庚辛梯形合於
二節




原形之側則成甲乙己庚斜方形其底
即上數與下數相加之數其高即層數
其積即總數加一倍之數故以上數與
下數相加與層數相乘折半即得一面
梯形堆之積也

又法以底九用一面三角尖堆求積法
求得總積四十五又以上五內減一餘
四爲上虛小一面三角尖堆之底亦用
三角尖堆求積法求得上虛小一面三



角尖堆積十兩積相減餘三十五即一面
 梯形堆之積也如圖甲乙丙丁一面
 梯形堆先求得戊乙丙三角尖堆總積
 又求得戊己庚上虛小三角尖堆積相
 減即得甲乙丙丁梯形堆之積也如有
 上闊或下闊與層數求積者則於層數
 內減一餘爲上下闊之較與上闊相加
 則得下闊與下闊相減則得上闊皆用
 有上下闊之法算之而得積也

設如一面梯形堆積三十五下九問上幾何





法以下九用一面三角尖堆求積法求得總積四十五內減梯形積三十五餘十爲上虛小一面三角尖堆積用一面三角尖堆有積求邊法求得每邊四加一得五即一面梯形堆之上闊也如圖甲乙丙丁一面梯形堆先以乙丙下九求得戊乙丙三角尖堆總積內減甲乙丙丁梯形堆積餘戊己庚上虛小一面



三角尖堆積乃用有積求邊法求得已
庚四因每層埃次遞加一故加一即得
甲丁五爲上闊也如有上闊求下闊者
則以上闊內減一爲上虛小三角尖堆
之底求得上虛小三角尖堆積與梯形
積相加爲三角尖堆總積亦用有積求
邊法算之即得下闊也

設如一面梯形堆積三十五上闊比下闊少四問上
下闊各幾何




法以梯形堆積三十五倍之得七十又
 以上下闊之較四加一得五爲層數以
 除倍積七十得十四爲上下闊之和加
 較四得十八折半得九爲下闊內減較
 四餘五爲上闊也如圖甲乙丙丁一面
 梯形堆積每層挨次加一今甲丁上闊
 比乙丙下闊少四即知甲乙爲五層矣
 故以甲乙丙丁梯形積倍之則成甲乙
 戊己斜方積以甲乙五層除之得乙戊




爲上下闊之和加上下濶之較折半即
得下闊於下闊內減上下闊之較即得
上闊也如有積與上下闊之和求上下
闊者則將積數加一倍以上下闊之和
除之即得層數內減一即得上下闊之
較或有積與層數求上下闊者則於層
數內減一即得上下闊之較以層數除
倍積即得上下闊之和既有較有和即
得上下闊矣

設如一面六角堆每邊六求積幾何




法以一面六角堆分作六三角尖堆算
之以每邊六減一餘五爲每一面三角
尖堆之底與每邊六即底加一也相乘得三
十折半得十五爲每一面三角尖堆積
六因之得九十加中心一得九十一即
一面六角堆之積也如圖甲乙丙丁戊
己一面六角堆六分之則成甲庚辛類
六三角尖堆而餘中心一其每一三角




尖堆之甲庚一邊比六角堆之甲己一邊少一故以六角堆之每一邊內減一即得三角尖堆之每一邊而求得一面三角尖堆積六因之再加中心一即得一面六角堆之總積也

設如一面六角堆積九十一求每邊幾何




法以一面六角堆積九十一減中心一餘九十六歸之得十五爲一面三角尖堆積用一面三角尖堆有積求邊法算




之得每邊五加一得六即六角堆之每
 一邊也如圖甲乙丙丁戊己一面六角
 堆積先減去中心一以六歸之則得甲
 庚辛一三角尖堆積其三角尖堆之甲
 庚一邊比六角堆之甲己一邊少一故
 用一面三角尖堆有積求邊法求得一
 邊再加一爲一面六角堆之每一邊也
 此即算書所謂圓束也本以六包一不
 能成圓凡云圓者皆六邊也

設如方東外周四十求積幾何




法以外周四十加四得四十四四歸之
得十一爲方東每一邊之數自乘得一
百二十一即方東之積也如圖甲乙丙
丁方東其四隅之四各爲兩邊所同用
故必以外周加四以四歸之始得甲乙
每一邊之數以一邊自乘即爲方東之
積數也

又法以外周四十加八得四十八與外



周四十相乘得一千九百二十十六除
 之得一百二十加中心一得一百二十
 一爲方東之積也蓋方東以八包一其
 外周所包之數亦必以八遞加爲超位
 平加之數如甲乙丙丁方東除却中心
 之一最內一層爲八第二層爲十六第
 三層爲二十四第四層爲三十二第五
 層爲四十每層皆加八爲超位平加之
 數引而長之成戊己庚辛梯形外周四



十即梯形之底內周八即梯形之上闊
如以首數八與末數四十相加得四十

八用層數五乘之折半即得總數

見算法原

本二卷第三十二節

然其層數之五乃係外周四

十用八歸所得之數今以內周八與外

周四十相加即與外周四十相乘是未

用八歸故將相乘所得之數必以八歸


又以二歸

即折半

始得總數夫先用八歸


後用二歸即與用十六歸除等

二與八相因得




一十六合兩次
除爲一次除 故以十六歸除得總數

再加中心一即得方東之積也又按第一法以外周四十加四以四歸之得方東之每一邊是外周加四則得每邊之四倍若以外周加四自乘必得方東積之十六倍而以十六歸除亦即得方東之積今以外周加八與外周相乘成長方形則其長比每邊之四倍多四其闊比每邊之四倍少四其積必爲方東積



之十六倍而少十六以十六歸除則得
方東積而少一故加一而得方東積也
此方東每邊十一係奇數故有中心之
一若方東每邊係偶數者則無中心之
一詳見下法

設如方東外周三十六求積幾何



法以外周三十六加四得四十四歸之
得一十爲方東每一邊之數自乘得一
百卽方東之積也





又法以外周三十六加八得四十四與
外周三十六相乘得一千五百八十四
十六除之得九十九加一得一百爲方
束之積也此方束每邊係偶數無中心
一其最內一層爲四其外周三十六用
八歸之則得四層半然其立法亦與前
法同乘除得數仍加一者蓋以外周加
四則得每邊之四倍若以外周加四自
乘必得方束積之十六倍而以十六歸



除亦即得方東之積今以外周加八與外周相乘成長方形則其長比每邊之四倍多四其闊比每邊之四倍少四其積必爲方東積之十六倍而少十六以十六歸除則得方東積而少一故加一而得方東積也


設如方東積一百求外周幾何

法以方東積一百開平方得一十四因之得四十內減四餘三十六即方東外



周之數也如圖甲乙丙丁方東開方則得甲乙一邊前法以外周加四四歸之而得一邊此法以一邊四因之減四而即得外周也

又法以方東積一百內減一餘九十九以十六乘之得一千五百八十四爲長方積以八爲長闊之較用帶縱較數開平方法算之得闊三十六即方東之外周數也此即方東有外周求積之法而



轉用之前法以外周加八與外周相乘
十六除之再加一而得積此法則以積
數減一餘用十六乘之以八爲長闊之
較用帶縱開方得闊而爲外周也

設如三稜束外周二十七求積幾何



法以外周二十七加三得三十三歸之
得一十爲三稜束每一邊之數用一面
三角尖堆有邊求積法以每邊一十加
一得一十一與每邊一十相乘得一百



一十折半得五十五即三稜束之積也
如圖甲乙丙三稜束其三角之三各爲
兩邊所同用故必以外周加三以三歸
之始得甲乙每一邊之數即如一面三
角尖堆之每一邊故用一面三角尖堆
有邊求積法算之即得三稜束之積也
又法以外周二十七加九得三十六與
外周二十七相乘得九百七十二以十
八歸除得五十四加中心一得五十五



爲三稜束之積也蓋三稜束以九包一
其外周所包之數亦必以九遞加爲超
位平加之數如甲乙丙三稜束除却中
心之一最內一層爲九第二層爲十八
第三層爲二十七每層皆加九爲超位
平加之數引而長之成丁戊己庚梯形
外周二十七即梯形之底內周九即梯
形之上闊如以首數九與末數二十七
相加得三十六用層數三乘之折半即

.....T.....

 乙.....

得總數

見算法原本二卷第三十二節

然其層數之三

乃係外周二十七用九歸所得之數今

以內周九與外周二十七相加即與外

周二十七相乘是未用九歸故將相乘

所得之數必以九歸又以二歸

即折半始

得總數夫先用九歸後用二歸即與十

八歸除等

二與九相乘得一十八合兩次除爲一次除

故以

十八歸除得總數再加中心一即得三

稜束之積也又按第一法以外周二十



七加三以三歸之得一面三角尖堆之
每一邊是外周加三則得每邊之三
若以每邊之三再加三與每邊之三
倍相乘必得一面三角尖堆積之十八
倍蓋以一面三角尖堆之每一邊加一與每邊之數相乘則得一面三角尖堆積之二倍今以每邊之三加三與每邊之三倍相乘是邊加三倍則積加九倍彼既爲一面三角尖堆積之二倍故此即爲十八倍也而以十
八歸除亦即得三稜束之積今以外周
加九與外周相乘成長方形則其長比




每邊之三倍加三者尚多三其闊比每
邊之三倍少三其積必爲一面三角尖
堆積之十八倍而少十八以十八歸除
則得一面三角尖堆積而少一故加一
而得三稜束之積也此三稜束亦有無
中心之一者蓋緣三稜束包中心一爲
一層者周圍九其底則四包中心一爲
二層者周圍十八其底則七凡如此類
周遞加九邊遞加三者皆有中心之一

其餘皆無中心之一詳見下法

設如三稜東外周三十求積幾何



法以外周三十加三得三十三三歸之
得十一爲三稜東每一邊之數用一面
三角尖堆有邊求積法以每邊十一加
一得十二與每邊十一相乘得一百三
十二折半得六十六即三稜東之積也
又法以外周三十加九得三十九與外
周三十相乘得一千一百七十八除



之得六十五加一得六十六爲三稜束
之積也此三稜束無中心其最內一層
爲三其外周三十用九歸之則得三層
又三分之一然其立法亦與前法同乘
除得數仍加一者蓋以外周加三則得
每邊之三倍若以每邊之三倍再加三
與每邊之三倍相乘必得一面三角尖
堆積之十八倍而以十八歸除亦即得
三稜束之積今以外周加九與外周相



乘成長方形則其長比每邊之三倍加
三者尚多三其闊比每邊之三倍少三
其積必爲一面三角尖堆積之十八倍
而少十八以十八歸除則得一面三角
尖堆積而少一故加一而得三稜束之
積也


設如三稜束積六十六求外周幾何

法以三稜束積六十六倍之得一百三
十二爲長方積以一爲長闊之較用帶




縱較數開平方法算之得闊十一爲三稜束之每一邊三因之得三十三內減三餘三十即三稜束之外周數也如圖甲乙丙三稜束用一面三角尖堆有積求邊法求得甲乙一邊前法以外周加三三歸之而得一邊此法以一邊三因之減三而即得外周也

又法以三稜束積六十六內減一餘六十五以十八乘之得一千一百七十爲



設如圓束外周三十求積幾何


長方積以九爲長闊之較用帶縱較數
開平方法算之得闊三十即三稜束之
外周數也此即三稜束有外周求積之
法而轉用之前法以外周加九與外周
相乘十八除之再加一而得積此法則
以積數減一餘用十八乘之以九爲長
闊之較用帶縱開方得闊而爲外周也
法以外周三十六歸之得五爲一面三




角尖堆之每一邊用一面三角尖堆有
 邊求積法以每邊五加一得六與每邊
 五相乘得三十折半得十五爲每一三
 角尖堆積六因之得九十加中心一得
 九十一即圓束之積也如圖甲乙丙丁
 戊己圓束六分之則成甲庚辛類六三
 角尖堆形而餘中心一故以外周六分
 之而得甲庚每一邊之數即如一面三
 角尖堆之每一邊而求得一三角尖堆


積六因之得六三角尖堆積加中心一
即爲圓束之積數也

又法以外周三十加六得三十六與外
周三十相乘得一千零八十二除之
得九十加中心一得九十一爲圓束之
積也蓋圓束以六包一其外周所包之
數亦必以六遞加爲超位平加之數如
甲乙丙丁戊己圓束除却中心之一最
內一層爲六第二層爲十二第三層爲





十八第四層爲二十四第五層爲三十
 每層皆加六爲超位平加之數引而長
 之成庚辛壬癸梯形外周三十即梯形
 之底內周六即梯形之上闊如以首數
 六與末數三十相加得三十六用層數
 五乘之折半即得總數
見算法原本二
卷第三十二節
 然其層數之五乃係外周三十用六歸
 所得之數今以內周六與外周三十相
 加即與外周三十相乘是未用六歸故



將相乘所得之數必以六歸又以二歸

即折半

始得總數夫先用六歸後用二歸

即與十二歸除等

二與六相因得二十合兩次除爲一次

除故以十二歸除得總數再加中心一


即得圓束之積也又按第一法以外周

三十六歸之得一面三角尖堆之每一

邊是圓束之外周爲一面三角尖堆每


邊之六倍若以外周加六與外周相乘

則必得一面三角尖堆積之七十二倍



蓋以一面三角尖堆之每一邊加一與
每一邊之數相乘則得一面三角尖堆
積之二倍今以每邊之六倍加六與每
邊之六倍相乘是邊加六倍則積加三
十六倍彼既爲一面三角尖堆積以一
之二倍故此即爲七十二倍也
面三角尖堆積六倍之加中心一則得
圓東積今將七十二倍積以十二除之
亦得一面三角尖堆積之六倍故加中
心一而得圓東之積也凡圓東皆有中
心設此解與前法相通耳

設如圓東積九十一求外周幾何



法以圓束積九十一減中心一餘九十

六歸之得一十五倍之得三十

或即以九十三

歸之所得亦同蓋六歸二因與三歸所得之數同也為長方積以

一為長闊之較用帶縱較數開平方法


算之得闊五又以六因之得三十即圓

束之外周數也如圖甲乙丙丁戊己圓

束減去中心一以六歸之則得甲庚辛

一面三角尖堆形故用一面三角尖堆

有積求邊法求得甲庚一邊以六因之




而得外周也


又法以圓束積九十一減一餘九十以
十二乘之得一千零八十爲長方積以
六爲長闊之較用帶縱較數開平方
算法算之得闊三十即圓束之外周數也此
即圓束有外周求積之法而轉用之前
法以外周加六與外周相乘十二除之
再加一而得積此法則將積數減一餘
用十二乘之以六爲長闊之較用帶縱

開方得闊而爲外周也

以如塹堵堆底五求積幾何




法以底五自乘得二十五爲底面積又以位數五加一得六與底面積二十五相乘得一百五十折半得七十五即塹堵堆之積也如圖甲乙丙丁戊塹堵堆即一面直角尖堆累積之體也兩直角面相合成長方形比原位數多一行而兩塹堵體相合成長方體形比原位




數亦必多一面故以位數加一與底面
積相乘所以增其一面之數成長方體
形爲塹堵堆之二倍折半而得塹堵堆
之積也

設如三角尖堆每邊五求積幾何



法以每邊五加一得六與每邊五相乘
得三十折半得十五爲底面積再以每
邊五加二得七與底面積十五相乘得
一百零五三歸之得三十五即三角尖



堆之積也如圖甲乙丙丁三角尖堆每面皆一面三角尖堆累積成等邊三角體形其每邊之數即位數也試按位作點排之第一層爲一第二層爲三第三層爲六第四層爲十第五層爲十五爲每次按位相加之數如以位數加二與末數相乘取其三分之一即得總數

法原本二卷第三十四節今以每邊加一與每邊之

數相乘折半即得底面積再以位數加




二爲高與底面積相乘成平行面之三
稜體是爲三角尖體之三倍故以三除
之而得也然必以位數加二爲高者蓋
以三三角尖體相湊乃成上下相等之
平行面體其高必比原有之位數多二
層

兩相角面相合比原位數多一行今
三三角體相合故必比原位數多二


面又以一平行面三稜體分爲三三角

尖體其二面爲兩體所同用今以位數
加二爲高與底數相乘所以增其二面



之分也

又法以每邊五加一得六與每邊五相
乘得三十爲倍底積再以位數加二得
七與倍底積三十相乘得二百一十六
歸之亦得三十五爲三角尖堆之積也
此法與前法同蓋以每邊加一與每邊
之數相乘則得底面積之二倍前法以
位數加二與底數相乘既爲三角尖堆
積之三倍此法以位數加二與倍底積




相乘即爲三角尖堆積之六倍矣故以六歸之得積也

又法以每邊五自乘再乘得一百二十五爲第一數再以每邊五自乘得二十五爲第二數又以每邊五加一得六與每邊五相乘得三十倍之得六十爲第三數三數相加共得二百一十六歸之得三十五即三角尖堆之積也此法與第二法同蓋以每邊自乘再乘爲第一




數是未以每邊加一相乘亦未以位數
加二再乘也因未以每邊加一相乘則
其所成之正方形必比前所得之長少
一層之數故又以每邊自乘爲第二數
也因未以位數加二再乘則其高必比
前所得之高少二層之數故又以每邊
加一與每邊相乘即如前之
倍底積又倍之爲
第三數也三數相加始爲三角尖堆積
之六倍故以六歸之而得積也

設如三角尖堆積一百二十求每邊幾何




法以三角尖堆積一百二十六因之得
七百二十爲長方體積以一爲長與闊
之較以二爲高與闊之較用帶兩縱不
同較數開立方算法算之得闊八即三角
尖堆之每一邊也此法即三角尖堆有
邊求積之法而轉用之蓋有邊求積則
以每邊加一與每邊相乘又以每邊加
二再乘得長方體積爲三角尖堆積之



六倍是長比闊多一高比闊多二今以三角尖堆積六因之得長方體積故用帶兩縱不同較數開立方算法算之得闊爲每邊之數也

設如四角尖堆每邊五求積幾何




法以每邊五加半得五個半與每邊五相乘得二十七個半又以每邊五加一得六與二十七個半相乘得一百六十五三歸之得五十五即四角尖堆之積



數也如圖甲乙丙丁四角尖堆底面爲
正方傍四面皆一面三角尖堆累積成
方底四角尖體形其每邊之數即位數
也試按位作點排之第一層爲一第二
層爲四第三層爲九第四層爲十六第
五層爲二十五爲每次按位自乘相加
之數如以每邊加半與每邊相乘復以
位數加一乘之取其三分之一即得總
數

見算法原本二
卷第三十五節

今以每邊加半與每




邊相乘是得長方面積復以位數加一
爲高乘之是得長方體積爲四角尖體
之三倍故以三除之即得也然以邊數
加半爲長以位數加一爲高者蓋以三
四角尖體相湊乃成上下相等之長方
體其底必比正方面多半行其高必比
原有之位數多一層

三角體以邊數加一與邊數相乘四角體以邊數加二與邊數相乘三角體以位數加一與邊數相乘四角體以位數加二與邊數相乘三角體以位數加一與邊數相乘四角體以位數加二與邊數相乘

倍故三角體爲長方體六分之一四角




體爲長方體三分之一三角體加又以數幾何而此四角體皆用其半也又以一長方體分爲三四角尖體其三面爲兩體所同用而少一行之數試以甲乙丙丁四角尖體作爲戊己庚辛陽馬尖體形爲長方體三分之一所餘爲三分之二其戊己庚戊庚辛兩面爲兩體所同用而戊庚一行又爲兩面所同用是此兩面爲兩體所同用而少一行之數也又以其所餘三分之二平分之必有





一面爲兩體所同用是以長方體分爲
三四角尖體有三面爲兩體所同用而
少一行之數也今以每邊加半與每邊
之數相乘又以位數加一乘之所以增
其三面少一行之分也蓋其高既比原
位數多一則其
傍面一層宜爲一面三角尖堆之倍數
而其傍面只比每邊多半是傍面只爲
一面三角尖堆之數也又其高既比原
位多一則其上面一層爲每邊自乘之
數即爲一面三角尖堆之倍數而少
一行共之爲三面少一行之數也

又法以每邊五自乘再乘得一百二十




五爲第一數再以每邊五自乘得二十
五爲第二數又以每邊五加一得六與
每邊五相乘得三十折半得十五爲第
三數三數相加共得一百六十五三歸
之得五十五即四角尖堆之積也此法
與第一法同蓋以每邊自乘再乘爲第
一數是未以每邊加半與每邊相乘亦
未以位數加一再乘也因未以位數加
一再乘則其上層即少一每邊自乘之





數故以每邊自乘爲第二數也因未以
每邊加半相乘則其傍面即少一面三
角尖堆之數故以每邊加一與每邊相
乘折半爲第三數也三數相加始爲四
角尖堆積之三倍故以三歸之而得積
也

又法以每邊五加一得六與每邊五相
乘得三十又以每邊五加二得七乘之
得二百一十三歸之得七十爲三角尖




堆之倍積又以每邊五求得一面三角
 尖堆積十五與倍三角尖堆積七十相
 減亦得五十五為四角尖堆之積也如
 圖甲乙丙丁四角尖堆為戊己庚辛三
 角尖堆積之一倍而少一面之數蓋四
 角尖堆底面積為三角尖堆底面積之
 一倍而少一行故四角尖堆體積為三
 角尖堆體積之一倍而少一面是以求
 得倍三角尖堆積內減一面三角尖堆




積即得四角尖堆積也

又法以每邊五用塹堵堆求積法求得
塹堵堆積七十五又以每邊五用三角
尖堆求積法求得三角尖堆積三十五
兩數相加得一百一十折半得五十五
即四角尖堆之積也如圖甲乙丙丁四
角尖堆先以乙丙一邊求得戊己庚辛
壬塹堵堆積四角尖體爲塹堵體三分
之二三角尖體爲塹堵體三分之一故



設如四角尖堆積二百零四求每邊幾何

又求得癸子丑寅三角尖堆積與塹堵堆積相加即與二方底四角尖堆之積等故折半而得四角尖堆之積也



法以四角尖堆積二百零四三因之得六百一十二爲長方體積以半爲長與闊之較以一爲高與闊之較用帶兩縱不同較數開立方方法算之得闊八即四角尖堆之每一邊也此法即四角尖堆




有邊求積之法而轉用之蓋四角尖堆
有邊求積則以每邊加半與每邊相乘
又以每邊加一再乘得長方體積爲四
角尖堆積之三倍是長比闊多半高比
闊多一今以四角尖堆積三因之得長
方體積故用帶兩縱不同較數開立方
法算之得闊爲每邊之數也

設如長方堆底長九闊七上一行收頂求積幾何


法以底闊七爲方堆之底用四角尖堆



有邊求積法求得四角尖堆積一百四十又以底闊七與長九相減餘二爲兩一面三角尖堆即以底闊七用一面三角尖堆有邊求積法求得一面三角尖堆積二十八二因之得五十六爲兩一面三角尖堆積與前所得四角尖堆積一百四十相加得一百九十六即長方堆之積也如圖甲乙丙丁戊長方堆丙丁長比乙丙闊多庚丁二試自己至庚



截去二面則成甲乙丙庚一四角尖堆
形已庚丁戊兩一面三角尖堆形其乙
丙闊與丙庚等即四角尖堆之每一邊
亦即一面三角尖堆之每一邊故以一
邊求得四角尖堆積又求得兩一面三
角尖堆積相加即得長方堆之積也
又法以闊七與長九相減餘二折半得
一又加半得一個半與長九相加得十
個半與底闊七相乘得七十三個半又




以底闊七

即層數

加一得八再乘得五百


八十八三歸之得一百九十六即長方
堆之積也此法與前法之理同如甲乙
丙丁戊長方堆既分爲一四角尖堆兩
一面三角尖堆其甲乙丙庚四角尖堆
固當以丙庚加半與乙丙相乘以甲乙
加一再乘得一長方體形爲一四角尖
堆之三倍其己庚丁戊兩一面三角尖
堆當以庚丁與乙丙相乘以戊丁

同甲乙



加一再乘得二長方面形爲兩一面三角尖堆之二倍因一爲三倍一爲二倍其倍數不同故又以庚丁折半與庚丁相加即增其一長方面之分得三長方面形亦爲兩一面三角尖堆之三倍故以三歸之得一四角尖堆兩一面三角尖堆合之與甲乙丙丁戊一長方堆之積相等也

又法以底闊七與長九相減餘二再加




一得三爲頂上之長乃以底長九倍之
得十八加頂長三得二十一與底闊七
相乘得一百四十七再以高數七加一
得八再乘闊數即高數也得一千一百七十六
六歸之得一百九十六即長方堆之積
也此法與第二法同蓋前法以長闊相
減折半加半與長相加此法以長闊相
減不折半加一與倍長相加則其長比
前法多一倍闊與高皆與前數同而體

積亦必比前數大一倍故前法用三歸
此法用六歸也

設如長方堆積二百七十六長比闊多二求每邊幾
何



法以長方堆積二百七十六三因之得
八百二十八爲長方體積以長比闊多
二折半又加半得一個半與二相加得
三個半爲長與闊之較以一爲高與闊
之較用帶兩縱不同較數開立方算法算





之得闊八爲底闊加長比闊多二得十
爲長也此法即長方堆有邊求積之法
而轉用之蓋長方堆有邊求積則以原
長闊之較折半又加半與原長相加乃
與闊相乘又以闊加一再乘得長方體
積爲長方堆之三倍是長比闊多原長
闊之較又多半較仍多半高比闊多一
今以長方堆積三因之得長方體積故
用帶兩縱不同較數開立方算法算之得

闊爲底邊之闊加長闊之較得數爲長也

設如三角半堆底邊八上邊五求積幾何


法以底邊八用三角尖堆有邊求積法求得三角尖堆全積一百二十又以上邊五減一得四爲上虛三角尖堆之每邊亦用三角尖堆有邊求積法求得上虛三角尖堆積二十與先所得三角尖堆全積一百二十相減餘一百即三角






半堆之積也如圖甲乙丙丁戊己三角
半堆若於其上加一小三角尖堆則成
一大三角尖堆形其上所加之小三角
尖堆之每邊比三角半堆之上邊少一
故先求得大三角尖堆全積又求得上
虛小三角尖堆積相減即得三角半堆
之積也

又法以底邊八加一得九與底邊八相
乘得七十二爲第一數又以上邊五與




底邊八相併得十三以上邊五加一得六乘之得七十八爲第二數兩數相併得一百五十又以上邊五與下邊八相減餘三加一得四爲層數與兩數相加之一百五十相乘得六百六歸之得一百爲三角半堆之積也此法與等邊三角尖堆求積之法同蓋等邊三角尖堆其上尖一即上邊其每邊之數即底邊亦即層數其法以每邊加一與每邊相




乘又以每邊加二再乘得長方體積爲三角尖堆積之六倍分之則得長比高闊多一之一長方體形又得長比闊多一之二長方面形即上多二層若依此法以底邊加一與底邊相乘即長比闊多一之長方體之一面數也以上邊一與下邊相加又以上邊一加一得二乘之則得長比闊多一之二長方面之兩行數也此兩數相併以層數乘之則亦得長

比高闊多一之一長方體形又得長比闊多一之二長方面形共成一長方體形爲三角尖堆之六倍矣

設如三角半堆積一百上邊五求底邊幾何




法以上邊五減一餘四爲上虛小三角尖堆之底用三角尖堆有邊求積法求得上虛三角尖堆積二十與半堆積一百相加得一百二十爲等邊三角尖堆全積用三角尖堆有積求邊法求得每



邊八即三角半堆之底邊也如有底邊
求上邊者則以底邊求得三角尖堆全
積與半堆積相減餘爲上虛三角尖堆
積求得上虛小三角尖堆之每邊加一
即上邊也

設如四角半堆底邊十二上邊五求積幾何

法以底邊十二用四角尖堆有邊求積
法求得四角尖堆全積六百五十又以
上邊五減一得四爲上虛四角尖堆之




每邊亦用四角尖堆有邊求積法求得
上虛四角尖堆積三十與先所得四角
尖堆全積六百五十相減餘六百二十
即四角半堆之積也如圖甲乙丙丁戊
己庚四角半堆若於其上加一小四角
尖堆則成一大四角尖堆形其上所加
之小四角尖堆之每邊比四角半堆之
上邊少一故求得大四角尖堆全積又
求得上虛小四角尖堆積相減即得四




角半堆之積也

又法以上邊五自乘得二十五爲第一
數以底邊十二自乘得一百四十四爲
第二數以上邊五與底邊十二相乘得
六十爲第三數又以上邊五與底邊十
二相減餘七折半得三個半爲第四數
四數相併得二百三十二個半又以上
下邊相減所餘之七加一得八爲層數
與四數相併之二百三十二個半相乘




得一千八百六十三歸之得六百二十
即四角半堆之積也此法與等邊四角
尖堆求積之法同蓋等邊四角尖堆其
上尖一即上邊其每邊之數即底邊亦
即層數其法以每邊加半與每邊相乘
又以每邊加一再乘得長方體積爲四
角尖堆積之三倍分之則得每邊自乘
再乘之一正立方體形每邊自乘之一正
方面形又得長比闊多一之半層長方




面形若以底邊自乘即正方體之一面
數也以上邊一與底邊相乘則得每邊
自乘正方面之一行數也以上邊一自
乘又以上邊一與底邊相減折半此兩
數相併即得長比闊多一之半層長方
面之一行數也四數相併再以層數乘
之則亦得一正方體形一正方面形又
得長比闊多一之半層長方面形共成
一長方體形爲四角尖堆之六倍矣又

此法與上下不等正方體之法異者在
多上下邊相減折半之一數因堆垛之
傍面有餘分故也

設如四角半堆積六百二十上邊五求底邊幾何




法以上邊五減一餘四爲上虛小四角
尖堆之底用四角尖堆有邊求積法求
得上虛四角尖堆積三十與半堆積六
百二十相加得六百五十爲等邊四角
尖堆全積用四角尖堆有積求邊法求




得每邊十二即四角半堆之底邊也如
有底邊求上邊者則以底邊求得四角
尖堆全積與半堆積相減餘爲上虛四
角尖堆積求得上虛小四角尖堆之每
邊加一即上邊也

設如長方半堆底長十二闊十上長八闊六求積幾
何

法以底長十二闊十用長方堆求積法
求得長方堆全積四百九十五又以上




長八闊六各減一得長七闊五爲上虛
長方堆之長闊亦用長方堆求積法求
得上虛長方堆積八十五與先所得長
方堆全積相減餘四百一十即長方半
堆之積也如圖甲乙丙丁戊己庚長方
半堆若於其上加一小長方堆則成上
一行收頂之長方堆形其上所加之小
長方堆之每邊比長方半堆之上邊少
一故先求得長方堆全積又求得上虛




小長方堆積相減即得長方半堆之積也

又法以上長八與上闊六相乘得四十
八爲第一數以底長十二與底闊十相
乘得一百二十爲第二數以上長八與
底闊十相乘得八十以上闊六與底長
十二相乘得七十二兩數相併折半得
七十六爲第三數又以上下長相減餘
四折半得二爲第四數以此四數相加



得二百四十六又以上長與底長相減
 所餘之四加一得五為層數與四數相
 加之二百四十六相乘得一千二百三
 十三歸之得四百一十即長方半堆之
 積也此法與四角半堆求積之法同蓋
 四角半堆長闊皆相等此則有長闊之
 不同故四角半堆以上邊自乘為第一
 數者此則以上長闊相乘為第一數四
 角半堆以下邊自乘為第二數者此則




以下長闊相乘爲第二數四角半堆以
 上下相乘爲第三數者此則以上長與
 下闊相乘上闊與下長相乘相併折半
 爲第三數四角半堆以上下相減折半
 爲第四數者此則以上下長相減折半
 爲第四數

如以上下闊相減折半亦同


其理皆相通

也

又法以上長八倍之得十六加下長十
 二得二十八以上闊六乘之得一百六




十八又以下長十二倍之得二十四加上長八得三十二以下闊十乘之得三百二十又以下長十二與上長八相減餘四三數相加得四百九十二又以上下長相減所餘之四加一得五爲層數與三數相加之四百九十二相乘得二千四百六十六歸之得四百一十即長方半堆之積也此法與第二法同蓋此法用數比前法大一倍故前法用三歸




此法用六歸也又此法與上下不等長方體之法異者在多上下長相減之一數因堆垛之傍面有餘分故也

又法以底闊十與長十二相乘得一百二十又以長十二闊十各減一得長十一闊九相乘得九十九又以長十一闊九各減一得長十闊八相乘得八十又以長十闊八各減一得長九闊七相乘得六十三再以長九闊七各減一得長



八闊六即上長闊相乘得四十八以此五數
相加共得四百一十即長方半堆之積
也此法將每層長闊相乘得每層之積
故總加之即五層之共積也法雖層累
相加實爲顯而易見凡堆垛諸法皆可
以此法御之若層數太多者用本法爲
簡易也

設如長方半堆積四百一十上長八闊六求底長闊
各幾何



法以上長八闊六各減一得長七闊五
爲上虛小長方堆之長闊用長方堆有
邊求積法求得上虛小長方堆積八十
五與半堆積四百一十相加得四百九
十五爲長方堆全積用長方堆有積求
邊法求得闊十長十二即長方半堆之
底邊數也如有底邊長闊求上邊長闊
者則以底邊求得長方堆全積與半堆
積相減餘爲上虛小長方堆積求得上

虛小長方堆之長闊兩邊各加一即長
方半堆上邊長闊之數也



御製數理精蘊下編卷三十